

小  
倦  
遊  
閣  
集

小倦游閣集卷第二十三

別集四

文一

啓安徽兵備奕嘉先生

部人包世臣再拜啓兵備閣下蓋聞道義同歸窮通  
異數朝雲既出潁川被河潤之政層風未培潢源困  
鴻漸之翼豫陽解紆計澆盜車亦和泣血王棄頑石  
然而當時藉其功利後世播其英聲鑑物於肇前言  
信矣閣下儀振丹山襲珍白服詞鏗金響辨煥春華  
加以智府雍熙靈臺靜鑑然而武城之車既驅南州  
之榻未下惟世臣者四齡就小學七歲成文章擁書

比於百城決泉壯乎千斛然而東范滂攬靈之志懷  
耿奔馳射之心倚閭待米班筆詎枚旅次集寒范袍  
莫贈正平遊許刺字空懷仲叔買肝口腹無累十載  
仰高情於全稱遠識世臣不才嘗從事於斯已而乃  
需斗升乞釜庾為是踟躕嗚嚚之態哉然而納約自  
牖不我<sup>必</sup>先相得恨遲貢身非恥古之人有行之者矣  
且向隅則滿堂不樂片突則前期劬功閣下亦何吝  
接以一見之勞周以一舉之費不使世臣得吐其伊  
鬱致其涓埃也耶夫誠蓄于衷哀應金石情切于語  
性感神明方今星次已回數始將換相鄉思于歲晚  
羈愁集于窮途為詩一卷寫其幽懷閣下取而讀之

進而教之庶幾毛生之言不謬乎有物郭公之度見  
信于人倫矣世臣再拜謹啓

代宋兵備請誅旱魃文

蓋聞五材鬱化六氣與隆和扇易簡功合亭毒著人  
依之道鍾水惠之靈斯皆神御清臨政擁幼艾以生  
物為心以牖民為職方今

內禋禮崇

異讓一德重輪象著八軸脈濡玉燭光凝金鏡明握  
正宜休徵甘露雨符十日之期詎見物潤重陰膏屯  
象里而近乃未扶疎時當溽暑功需破塊濡之濯  
枝五旬之驕蹇不悛一歲之告登無及樛木焦卷深

井蒸枯熱侵姑射灼爛寒冰煩入涼臺銷流碣石若  
謂吏實失型謫有示象則無狀之責當在一身豈有  
赫之威濫加萬井銘禮格拜興射親暴露待食土龍  
致忱黃牘精誠若接閭閻如開迺浹辰以來望雲得  
雨轉瞬之間欲雨不雨容知膚寸來自西郊遍擬朝  
空合東岳絺日落于潞清羊頻歸于翠微則知大生  
布德二坎交流豈有為梗肆蛟妖一鬻便隔如旱魃  
為虐者乎景山揭蓋時以雨師慈谿下車遂仆羊角  
自愧涼薄無能感厭是用虔告嚴祇希迴早聽迅施  
左枯除暴戢民早揮右戈決梗宣化一夫之誠可以  
上達于天百里之膏竚待下施于地豈其植壁無靈

張弼未脫深藏少室巧寄蜂房而鉄律可究災黎無  
救也耶至于城隍專司同此守土如漏網於吞舟終  
索鮒于枯肆是則吏譏素餐神厲虛賽斯民何辜幽  
顯并厄聿請命於目前甘自弃乎人道未敢背以朱  
綾望遠登乎翠旌惟昭靈藝用沛濟濟祁

此戊子閏六月廿四日作也時兵備所屬五府一  
州之境皆苦旱兵備設壇祈禱甚虔入閏月每有  
雨勢輒被風散兵備告世臣曰僧道依議拜疏殆  
難上達得吾子文或能伸此忱懇耳世臣既屬稿  
翌日兵備書十三通焚禱各廟午後始歸署入申  
起雲雨而大雨竟三日平地水尺餘廿八日縣昌

降以廿五日有雷自江口擊旱魃由魯港迨至縣  
昌西門外斃于厠中告兵備歲以大熟其稿傳至  
皖江為朱文正公所見遂手書詢兵備而招世臣  
至其署即贈詩所謂覽子禱雨篇濡墨舞商羊遂  
令萍螭蹄不用誅巫尪者也其明年浙江之荻港  
老壇呂仙降此言此文太激切雖未能不雨然迨  
神明終當鑄級後兵備海擢少司寇竟緣事降補  
少僕鬼神之道杳昧難測附記于此以告來者

程孝婦傳

歛孝婦程氏祖某父某年十九歸同邑監生吳栗堂姑氏患癰不審程侍藥除穢家人難之越五載舅以腹滿昏絕至再三程禱于灶神封左股和藥以進神稍定然竟不起明年栗堂沒于都程撫子女持門戶有稱于鄉程今五十一歲子四女子子長偉即述孝婦行乞傳於余者次際陰俊女適某

邑世臣曰余讀孟子分定之說必掩卷唏噓不能自己曰人人親其親長其長而天下平君子守分之效如是哉後之人讀吾書者推求其意卒不禁興嘆于六親不和者孝慈也悲夫



代程禮部上朱大司馬書

月前趨侍郎節堂踴躍無量言近旨賅若發鑑矇目  
擊道存如傳鉗斧仲素驚而汗背善現讚其希有方  
於茲樂殆無以過世淳束髮受書游歷仕路每嘆器  
使風邈成人寔難能言者或行違才長者有德詘一  
鶚之薦觀采文舉兩駘之鮮厄免平仲青雲之知干  
古罕靚然而閣下性與道合賢自心契營匠斷撲伶  
倫均聲雙九之明下鵬脂壑靈液之澤被于小草文  
而無害靜以澄源化暢比在箕之風膏沃即離畢之  
雨尤復極詰立始妙契無餘靈樞密幹慧及立斷仁  
風所流迂腐腐杜口重寄邦政若烹小鮮僚寀欣嘆

與論允協世淳自接清塵卽懷私泚嗣承祠部載  
奉車暉日贊之力未逮宏獎之路益開芳方諸魯國  
曾無聞一知二之智歸諸鹿門寔有拔十得五之遇  
徒以駑馬失策分無應棧五載家食中夜拊髀夫選  
少之樂東還嫉其時也憂容之事薄游養其志也世  
淳熾鬻之材始焦其尾鑽竅之歎或中于浮則豈敢  
假名優競高語遂初哉然而撫與易之資懷成物之  
志宦無援于金張遊罕藉夫子孟則有緬輟耕而耜  
心存投竿而太息世淳以晞露微潤腐草末光惟傷  
促鱗之游渟短蛹之就縛其意固已疎矣然而足非  
千里解紵者殷勤價異連城抱璞者慷慨激楚自効

人雖誰草木日月其除嘉會難再枯樹冀榮于芳林  
垂翼羨儀于達羽是用披剖胸臆陳之左右惟閣下  
察訓之

策對

戊午仲冬客楚北代策十郡諸生曰楚北地險而四  
達歸已納江鄖竹綰漢襄枕中域黃鎖下游德安比  
敵吳阮武昌南鎮雄峰而賊興三載沅擾幾徧其最  
要者何處兵法尚能致人進退誘敵敵以迂為直後  
發先至賊依山為巢穴林叢不可得攻必致之戰地  
隔而殲之其餌之宜于何地形之宜用何策兵法備  
散則患寡眾逼則患擠必據形勝使聲勢旁通指揮  
呼吸如平然震懾八里其重鎮宜于何處夫子言政  
首足食委積應如何採買以期有利無害分儲何地  
使胥輸皆便採買外或猶有濟良策可以優兵餉而

給轉漕之所不及諸生其審時事度形勢凡裨益桑梓者悉意詳陳毋患觸忌擬對曰君子必審時勢以備不虞度形勢以制卒發自教匪跳梁東抵黃羅比越陳鄧西出沒奏蜀楚北被躪者三載民力凋敝物價過倍其隣境潁毫地產火藥家備器械民勁悍多盜徒硝販為匪案所由起六霍環襄萬山產茶炭風為捕盜藪地名白蓮團者人慮不億官不得詰居民時相驚恐南陽汝寧焚掠之後流亡初集蕪苗穰處且焚楚豫西團鄉勇以匪既而竄給糧難遍罷者十七約衆四五十萬收繳兵械多所藏逸應募時本不業無籍之流聚而別之以頭目教以繫刺之方習其

克殘之性罷則無所為生展轉流散以上諸事皆可  
深慮目下楚北雖為稍安然不敗之地所當預立今  
秋蒲折告警雖即日平復殲其渠魁亦可以驗民心  
之不固矣況夔巴之賊其志在東商洛之賊雖窮促  
而久擾荆襄熟悉險隘堵禦嚴則竄散叢岩剿不可  
得洎老而憊則麀圍不可知且夫踞吳峯口則賊已  
東登野三關則器建始覆翎之勢也漢江上游具北  
李四關夾河關馬鞍關之道為平廣若以虛聲綴官  
軍而潛寇黃柿坪青銅關則均州搖其南吉陽關黃  
茅關白土關之道為平廣若以虛聲綴官軍而潛寇  
瑤峯關三角寨則歸房震故陝之要害在均州之要

害在歸南漳居均歸之間太府山形勢便利宜為重  
 鎮平靖關黃土關武勝關平林關雄隘則北其要害  
 為應山虎頭關白沙關修善關柘廐關豫東岷嶺關青  
 苔關石門關長嶺關天堂寨出入穎六其要害為麻  
 城黃安間于應麻清泉寨屏障東南黃楊寨迴環如  
 壁豈置分鎮至鍾祥吞吐江漢提挈德襄地屬四集  
 當全楚之胃宜以重壓鎮彈壓三鎮心星置兩臂以  
 心然後可以出奇制勝矣致人必先能料敵料而後  
 能用閒用閒而後入能致人兵法曰避之閒之必因  
 其所料我者而為避用其所欲于我者而為閒二者  
 皆出于閒也今賊黨所居地皆支形所謂我出而不

利彼出而不利者也兵法曰夫形者敵雖利我我無  
出引而去之今敵半出而脅擊之利此脇擊之術也  
兵法曰其大軍不濟水令我精軍分為三覆小軍濟  
急發初覆其大軍見我戰合必濟水夾戰發我二覆  
其中三覆擊其尾又曰迂其途令就深州遠其路令  
會日暮又曰衆則遠襲而闕之此誘動敵之術也今  
賊盤踞窮山勢易之食急而決命理所必有以天官  
說推之賊出得一步則所謂背孤擊虛者也是必因  
其易我之素情形之以撤兵設伏使地潛聞之以所  
欲又累餌之以使得使其大股爭利去隘至平敞面  
山而當我軍則戰地矣急以山城遮其歸路山城不



不備則置行馬張織女各團遠累之于天井伏發其  
闕以南漳鎮為游兵備<sup>通</sup>退防誘而左右罨賊背巴東  
亦設分鎮以截江路助南漳則聲勢旁通震懾八面  
之道得已兵法曰久役者遠輸遠輸則國貧近師者  
貴賣貴賣則百姓財竭又曰市有出而官無理統兵  
交和而無百債之官無謂其能戰也故足食必先採  
買不必米稻不必遠省就各鎮近邑牧其山穀稌糧  
茅苴皆可估價必優于時值蓋採買則貨銷值銷則  
值昂所為不僅買米者以米值故貴又增昂則大妨  
于貧民非公私兩利之術也值昂後屬吏承買豈敢  
中請增估故略優之于先估價減則承買官累承買

官累則派于粮行粮行賠則科于賣戶賣戶無利則  
貨不至債不至則採買為虛名朦混冒銷無所不至  
矣至鄭宜一帶土產雖不饒溢亦即于本地增值採  
買使商賈聞風趨利運至此與官自輸將公私兩病  
者相百也此外籍沒逆產可勒限清查其被害遺業  
無主者亦即按戶版粮書清核過冊量借牛種糧棚  
口粮一體招丁壯承佃以杜蕪井門訟之端相度人  
地之數為置督率勸以什伍農隙之技仗以猶備非  
常民租大略平分官佃止可十而取三麥捐與之蓋  
民皆看收成讓租官恒取盈佃必受其累且以惠使  
人緩急可以濟事借項於一歲後分三熟扣還法行

入租以養兵使鄉勇罷散之勁者歸業可杜後患若能遂興屯政則改借為給十二取之以為屯兵可量減各鎮團集之數以為永計尤善但事須入告酌宜行之期無沮廢乃可耳又兵家不廢權宜請自減流以下罪實情輕者量力罰穀助餉護鄉里或亦一時之計也至楚兵近集行營具要害團練自宜委試用正印文官協守千武職會同該州縣官揀現在充勇人并仿古保甲抽丁之意就近集眾立格選入伍仍不令廢本業依期入營教閱止給半餉輸值訓防以待倉卒凡鄉卒勇頭目類皆草莽之英必優異之而擊其心然後可以搜軍實擢其鋒銳而汰其疲弱以

收實用且以漸收權歸官無迫急則指呼不應之患  
是故審事度勢防微杜漸地方大吏之所可獨斷獨  
獨行而不虞內外掣肘計無有便于此者矣

荊門州志士傳

嘉慶紀年白蓮教為亂湖北郡邑團壯勇荊門州有  
衆萬人武庠生劉文藻為其渠三年春三月賊目張  
漢潮王聯登王三槐齊王氏合兵出川東且窺武昌  
王聯連張漢潮先至荊門十三日合圍圍州城三面  
分衆掠鄉里十五日文藻率鄉兵援城遇賊于塔山  
時齊王氏亦至賊勢十倍文藻躍馬突陣斬執旗賊  
三賊排長矛環文藻馬蹶被擒是時文藻健捷震賊  
衆賊愛其材武能得人賜降之文藻罵不絕聲乃夫  
解而函其首去翌日聯登焚州北曹家塢王國綰陳  
啓中者曹家塢人同年生同補弟子員至相善行誼

為一鄉所推既被執賊見兩白髮翁知啟中有醫術  
而國鄉善署書欲活之授國鄉筆使書門旗國鄉曰  
吾恨不剮鏹而等速殺我啟中故識朕登為言曰而  
為滅族事久及今歸命或可活朕連大怒投之火揚  
其灰于漠是日齊王氏執鄧法祖于了角廟法祖者  
以二年歲試入州庠第一年十九年儀秀偉賊愛之  
欲養為子法祖怒罵賊賊示以割文藻首因法祖曰  
吾幸得從劉先生于地下罵益厲遂死

包世臣曰余得文藻四人者事學正李應當荆門被  
圍萬數夜出捍塔山時余在圍城五日賊為京山武  
舉人朱有誠所敗圍解余乃北去歲十月應復書王

士達劉超李光藻羅元鏞張成龍趙汧王鴻維何清  
連周忠清九人者事以屬予余言九人雖無戰績非  
文藻比然以庠生先後被執不屈皆死嗚呼不知其  
人視其友則壽可知矣

下印  
原

錢東湖詩序

余以戊午客武昌始至即識東湖先生怡怡然與為  
提攜鬚髮古處先生為諸侯客數十年矣涉世深而  
天真不斲心殊敬異之乾隆初武進錢文敏公以詩  
名先生于文敏為猶子弱即以詩見畏于文敏先生  
之溫厚其澤詩教深也然先生自珍未嘗以草稿示  
人已未春先生作夷陵遊其五月余至夷陵先生病  
方起余前涉三巴十月返武昌先生前至月餘矣余  
自七八歲即好詩攻之且十年然雅不欲與不知者  
道有同居歲計者不知余事韻也楚興途次多壘斷  
壁頽垣損心怵目徃復三數千里吟咏頗充自娛而



已見先生乃出以相質先生謂沈密多厚意即自出  
舊稿三冊為言少作多散軼及游粵乃自檢輯近者  
偶有涉筆才力亦非盛年又詩人有佳構二三十首  
足以自雄工拙吾自知之先生之詩柔質如其為人  
其入古深邃非篤學銳思者莫與知余久客鄉思勿  
歸興即當別恨不獲久待先生然半月間自覺于詩  
道少益則先生之詩之移人速也蓋遊楚二載知交  
惟先生為終始今行笑前期未可定書此作別非能  
序先生詩也

嘉慶七年五月代恭謝乾隆中

頒賜四庫全

書度藏兩閣表

臣聞國子學禮成以十年王者興仁期於必世奉阿  
吉士周成王樂育以媚康王虎觀諸生漢世祖鼓舞  
以貽明帝是故功成堂構材以之作書澤在親賢烈  
文因而賡頌百姓不忘其德感而有言千載不異其  
情規以為法恭惟

皇帝陛下聰原天亶

神考翼以異聞敬本日躋載籍披而不息

傳執中於

膳几

受甲編而曰我師

求益智於

經筵

襄

乙覽以成達孝暨乎

膺

禪視學經

說新民

親政開科額增進士

璿筆則集成其大

瑤章則味美於餘薄海仰

風瀕江尤秀及第匪私于一司矣

車無忘乎五篋此豈朝宗所潤楚趙八方實由聞見  
攸貶

惠偏兩閣共維我

高宗純皇帝六十年作君作師

五萬首教忠教孝

聖心契聖存此布方

全人師全閔茲脫簡開厭路建藏策懸購郤河間之  
千金置寫官台校儒積軸陋江陵之萬冊博疑雖久  
有偽必刪曲技可徵無微不采上秉

睿斷下擷條篇穿穴則四千一百年卓犖斯七萬九

千卷萃既拔于

石渠

思必公諸天下鈔三分以待

頒勅八年而未藏

獎涯藏芸盡人間之秘笈

惠嘉畫臂分

天府之琅函因材篤物湛零露以無私

無數作人利維揚而有曲文滙文宗並峙于世里以

成兩觀四庫四部半儲于二郡以

勸三餘豈如西濟之請籍斯有圖不殊東觀之游書

薦未見淳化有官帖之頒終博一藝永樂有大典之

輯不間別藏

曠格逾古

隆運值今

聖慮既周士勤愈奮既度貯以廿載應鈔讀之駢超  
或目耕有田華實自獲或備傭書為養諷誦亦通繫  
臣反接說無說異於北山廐象常長鳴瑞自徵于西  
竺既復千篇

奏御與三代同風翌世著書成一家之說豈其雍容  
明盛遂畢被

學之恩非復煩述

德功能致忠臣之效

臣

位備醮職兼書局仰照

准

繼明之治大觀

久道之成不勝感激忭舞

放鶴圖記

嘉慶七年秋余識完白山人於京口山人古今體書  
最天下余贈詩述之甚備明年夏山人自皖來京口  
余亦適至山人出放鶴圖而屬為記鶴初為崑山相  
國所得三更主歸京口袁郎中郎中以贈山人山人  
籠歸而置於其鄉之集賢寺命白佛奴後有郡守奪  
之去山人上書陳其由鶴仍歸寺其書詞倣倪有致  
盛稱於時好事者相與羨佛奴之得所歸也故為山  
人作圖山人屢為當路所器卒能自適其性竹笠芒  
屨怡山憚澤佛奴委身權要歷數十年竟屬山人  
斯亦殊類同契情數期者矣然而佛奴則棲神法王



王散鹿頭響飲水啄粒鼓翅自得山人老已役於家  
室奔走道路以就衣食余是以悲山人之遭也况余  
束髮即事飄蓬耿介非諧俗之姿光榮無二鳥之能  
竟使志凜胎禽跡漸林間者哉異日山人息機皖公  
之下濯足黽溪之上余能命棹過以環峯飛翠漲流  
澄玉撫松據石把盞長嘯與觀佛奴之昂藏砂頂凌  
亂縞裳遂翔寥廓而陟白雲蹈紫霧當為山人更賦  
之

蕪湖留仙亭錄白卿題壁詩書後

嘉慶八年七月二日僕買舟鳩茲之游吸茗滄樂之  
室顧見壁罅墨痕初燥書態橫出繫上蕙來波間鷗  
沒詢其守者曰維昨暮凡日在林花光來去乃有女  
郎二人楚楚嫵奉以玉鶴雖不翫鬢髮綦履羅袖從  
風落髻未收兩頰初紅皓腕金環寒香徹室書畢遂  
去莫知其蹤僕省是言俛首太息反復詩詞摩挲光  
澤蕪沒清門浮沈樂籍彭蠡指途金閭振翮憂散如  
葉義明于霜哀艷不凡蹈節雲方孤埋狄捐酸鼻迴  
腸嗚呼白卿自吳來我猶吳往天涯淪落今古同  
愴異日特蓬或逢倚棹卿當為我小紅迅摘大白滿

膏一傾知己之淚猶應愈于青蠅獻弔也南山草屋  
居士錄藁傳現並為書後

深山讀書圖序

畢君蕉麓毘陵老畫師年且八十而墨韻橫流乃過  
少壯為其里人龔君楚香作深山讀書之圖岩奔壑  
複雲起泉伏叢陰茂翳中有茅屋跼然無人誦聲相  
屬楚香展卷俯仰掩袂而歎曰少苦飢寒長事奔走  
眊眊汨于簿書精力營勞于酬酢每有沉思迄無攻  
苦使淅息心簡冊以脫羈馬則死不憾矣維僕乳黃  
未謝即受楮書髫髻初結已倒蔡屣秀哉望實蓬早  
驚秋親兵草于秦州挾風濤于海外遂使秘枕新編

一行未下，等身舊債，五篋空遺。而且昌黎則榮感二鳥，醴陵則步哀于里。越俎徒消，戰勝不肥。借壑繫霧，隱之襄。買田負指，江之矢。慨身世之浮沉，感同心于龔子。曩歲說君子而玉衡，愛名山而入剡。弔坡老之艤舟，緬荆師于陽羨。擇仁之智，不虛發策之勤。斯踐然而虎，願松柏之長。鶴惜羽毛之剪，求滿腹以飲河。終牽鹽而上坂，山水招隱為約。去期風雨聯床，言歡亦暫。故書圖左，以詔來者。必有芳草，信斯言之不舛也。

序寒林獨步圖

寒林獨步圖者，冬巢汪君嘆逝而作也。冬巢善交遊。

鄉里至友善者為江鄭堂許楚生周榮夫李鍊江徑  
歲之間遽爾凋謝故為此圖以致茲楚蕙歎之意唯  
予以嘉慶辛酉始遊邦江滯迹百日所識三數十人  
皆有伎能為時輩望重而今存者唯冬巢與張君芟  
塘而已逝者不可復作冬巢芟塘與予又皆於邑落  
移無足稱者指陸生不云乎樂憤心其如此哀緣情  
而求定託末契于後生予將老而為客故書其緣起  
以授簡于詩人

皇誥授奉政大夫河南涉縣知縣候補同知贈資政  
大夫都察院右副都御史兵部侍郎江南河道總  
督徐君墓志銘

君諱振甲字解時姓徐氏其上市家餘姚後徙德清  
之新塘為德清人曾伯祖某禮部侍郎伯祖某工部  
尚書考志丙舉雍正甲寅賢良方正起家甘肅碾伯  
縣知縣遷岷州知州丁母憂以兵事留逆卒于官妣  
嵇氏封宜人君侍岷州君宦遊而君妣病亟君封封  
股以療之既差病渴甚索水醫氏不可竟不起君以  
君故終身不食水岷州君既卒遂并奉三殯歸葬服  
闋遊吳恭定公甘肅按察使司幕恭定故與岷州君

同舉制科甚器君屬屢試被放即為君援江賑例指  
捐縣丞分發江蘇補江寧縣縣丞膺卓薦擢清河縣  
知縣君初蒞清河而老堤口決黃淄懸注逼治米糶  
不得達時山東壽張縣民王倫為逆徵調堵截兵水  
仍至衆情惶惑君集小舟載乾糶以次賑給諭囹戶  
取糶米有無藉乘機搶于肆君畫法懲之商民得相  
安乎市如故未幾山陽叔掠四起而清河獨否人以  
此多君初君署句容縣事廉知猾利蠹漕下車即發  
其奸民輸將如限二十年句容以吏舞法興大獄溯  
厯任十數獨君無獎調江都獲鄰境巨盜擢同知候  
補而君適引疾既痊謁選改河南涉縣知縣縣徭例

于冬月合圍取皮革獵戶以此苦民君即為除之調  
署信陽州植築青龍岡口阿文成公以大學士持節  
督工檄君開引河君不事追呼而集多衆常多歲事  
常速文成以為能時君長子端身任畚鍤文成即命  
以本指銜授致青龍岡工竣補蘭儀通判君遂解組  
就養端蘭儀署擢知淮安府迎養君道出清河居民  
扶老攜幼扳輿輔飲如家人覩者夾路嗟嘆嘉慶八  
年九月六日卒于端淮徐兵備道署年七十有五配  
贈夫人錢氏早卒生二子長端都察院右副都御史  
兼兵部侍郎江南河道總督次章候補通判前署桃  
北同知君晚納側室王氏生一子章二女俱幼王氏



伊嗟賢政明德維孝名臣循利先業克紹爰以試丞  
涪登佐郡視事廿年不改清慎學則既優仕乃不顯  
知止曰明初服是踐迺薦抄哲嗣謹率義方心勞力  
瘁為民保障嗣有良苗君則莠之君有嘉實嗣則瘳  
之君澤維何曰諧行道舊民懷恩涕灑丹旄粵宜祭  
社豈必葵桐奉茲所表無念崇公

宮保素昧生平在友久黃心庵所見余文追訪二年始得招至節署以其先公宦窳之文相屬既得稿具

衣冠肅謝曰後人讀此文必謂先公為鄉里必善士  
州縣之循吏宜其有後則徐氏世世子孫拜賜多矣  
乃出浙中先達所撰至七首率長二三千字並以稱  
揚宮保過多不恰意卒用小子文入石司馬請題顯  
人名曰宮保曰今日之顯人未必能顯於身後慎伯  
必顯於身後者且要知其終不顯耶錄稿附記以志  
真賞

雲鵲道人小傳

君名璽字竹岡姓黃氏系出江夏江蘇吳人也晚遊  
天台脫然有遺世之思更名雲鵲稱吳中雲鵲老人  
君壯歲裴宗錫巡撫安徽禮致君事無大小必咨之  
裴公調撫卒于官節相李侍堯兼署撫篆以君熟手  
客延之未幾裴公殞歸公子幼無期功強近為護喪  
者君即辭李公為裴氏送喪蓋水陸萬餘里云嘉慶  
甲子君入都屬言路大開君即伏闕上意書謂踐土  
食毛之愧不能自盡數十年間足跡遍天下於民情  
時務見聞親切其確鑿可行有利無弊者四事再死  
之年豈復有所覬覦區區愚誠得以上達死且不朽

七月十四日封進條奏既留中君即削稿外人頗有  
謂君言已舉行者以問君君笑應而已自己未春初  
今上親政常熟監生周珩上萬言書言事繼其聲者  
至君共十人閭閻疾苦幾于盡達數年來

王言渙汗深洞民隱屬有司奉行不力未能盡稱  
上旨然困敝亦少甦矣以布衣下賤芹曝至愚而  
九重虛已曲納有古先聖王所不及者況三事大夫  
膺

天子之所嚴事重寄共念

聖心望治之切朝夕論思以宣

德化則薄海仰風匹夫匹婦可以咸得其所矣而乃

緘默雍容坐養資望其得交戰之心至老益熾以致  
水旱頻仍兵革疊見利源下竭國用上滋歐陽子之  
言曰國家有事諫官不言而他人言之異日書之史  
冊以為朝廷羞廷羞況此器廊不言而草澤言之甚  
或草澤言之而器廊沮之則其為異日羞者不淺什  
伯高司諫已也豈不痛哉余故知君名丙寅夏于揚  
州旅次相值同居兩月儻君之生平君老矣有子而  
不能繼志恐沒世無聞故纂集為小傳其命君子之  
百年後即鐫諸壙側以儆志乘家之採擇焉

小倦游閣集卷第二十四

別集五

文二

君諱秉衡字履平姓睦氏江蘇丹徒人也睦氏晉祖  
漢儒睦孟族望于江北以南則丹陽其遷徙世次不  
可紀君之五世祖由丹陽遷今籍自考以上皆習賈  
君性好自異于人同學為舉子業者尚為腴腐之詞  
君獨鉤沈研慮又好讀資治通鑑山堂考索以求今  
古興衰之要人率非笑之而君益自喜就試既不當  
有司乃挾貲遠賈浙江絕洞庭窮五溪度九阡三致  
萬緡皆輟獲君故不事積以是益喜交遊通賓客晚

而彌甚君之弱齒也君考病甚怨家乘閒陷以事時  
有有力者故衣食於君家十餘年考命君往請事陽  
許君而陰中傷之幾覆其家君考切齒君從容啓曰  
兒見彼衣食吾家時所求未足以遂事而不能不受  
德色固日夜伺吾隙以泄忿而厭其欲耳大人何怪  
焉及君居考憂或有以非礼構君者君衰經求援於  
君考所不快人共危君然卒以其力免如君策其通  
世情識事變自少能矣君善奕於國手不及三番多  
力好技擊豐腹而趨脰又力治楊筠松相墓法及太  
乙奇門六壬之術皆能以己意通之適于日用而遠  
乎詭怪然亦以多姝好未能精入云嘉慶八年秋余

沅寓鎮江始識君論相鑒甚雅遂往君家南及兵農  
名法之說常夜分不寐余奔走秦蜀楚豫吳越之郊  
者十年所至必交其賢豪長者君歷問其名狀行誼  
而壯之托腕預足即欲治橐同作海上遊又嘗與余  
夜坐浮玉山頂聞江濤澎湃捉余手疾行至麓謂然  
嘆曰余少見江濤之來也緩觸石則其聲訇然以博  
去而閭然今其速也速觸石則鏗然以銳既去猶公  
然以遠又曰余三十二年誦觀梨園子弟用點鼓中彌  
徑三寸下點疊聲洞洞相接今鼓心才徑寸下點促  
聲驚如裂聲樂道通於政人事急矣不謂造物自然  
者已趣數乃爾也遂相與唏噓達旦今年三月朔余



自蘇州赴淮安存君于家期首夏返棹為君徧歷南  
北郊山余去不半月而君染疫寢疾數日忽呼曰慎  
伯已來吾家三日矣汝等何不吾告促紹祖扶之出  
徧覓不見乃寢而夜輪指占余還期既亟乃屬紹祖  
曰而告慎伯為卜墓宅且慎伯知吾深必得文以志  
余墓是後語遂不可辨然君自始病以至疾革才七  
日其刺刺語語蓋未嘗不及慎伯也嗚呼哀矣君以  
嘉慶十一年三月二十六日卒年五十有一娶同邑  
田氏子紹祖紹成皆能嗣君之業女子子三適某某  
孫一廷珍及五月四日余始返棹過君而君之孤軒  
輿牽余袂且號且述君之遺語遂為外記于焦石山

之麓於楊氏衍為吉復纂述生平以達君志而系以辭曰

述君之事君有子鬱不可信是君志誰明君志揭貞石君之友曰邑慎伯

皇清誥授奉政大夫署理山東通省運河兵備道河  
南開封府上南河同知程君墓誌銘代吳河督  
要君諱字姓程氏安徽之歙人也司曰著瑞程國爰  
封持節賜田歙州始望書編窮裔之塾傳光列朝之  
策冠冕南邦所自來矣祖祖某以諸生起家

聖祖欽試天下法書第二授兵馬司揮副指發南河補山  
陽縣知縣署邳州知州家疑以江指則以特漢宮室  
以治尚書出防貽澤厥後式端其始考某陳河緡城  
縣丞歷署如河通判以君官封承德郎晉贈奉政大  
夫妣盧氏贈宜人君性習正方學成勦說閒發所積  
即剖楹中戲取玉環便得桑下長卿之善詞賦故

是貲卽宗慙之涉圖經寧為博士乾乾隆三十年援  
例以從九品分發東河長捐叅軍望專風幕一部從  
事重等手書由館陶縣主簿升濟寧州判值王倫為  
逆檄君隨營部督伏仗籌共識縛褶之威孤焰指狼  
無假揚塵之氣東昌既全旬始旋滅海摧東平州同  
泉河通判恭逢

高宗純皇帝疊歲

巡方大吏委君提辦差務閭閻無擾備渚畢在錦帆  
下輝不減浮雁之奇雲騎擁將非籍留番之詐尋以  
父憂去官服闋由原職遷河南懷慶府黃沁同知君  
惟機宜洞徹倚重公卿勞苦周知慰懷辭殺此張君

之治郡。隨有聲。似樊尉之選錄。有急輒至。三十八年。  
河驛漫口。四十六年。青龍岡漫口。興工堵合。四十八  
年。修幫運河。緯道皆飛檄調君。督董大役。期速工。固  
成殊衆焉。歷調兗州府。泗河同知。曹州府。曹單同知。  
開封府。上南河同知。上南之境。河初入豫。浪最工。沙  
輶壤繡。險工若林。維君風雨如晦。不改篝燈。露月盈  
隄。猶來策騎。忽以河勢橫注。陽橋隄勢。奄若叱風。  
鶴皆兵。水氣騰天。哭聲數地。君獨澄慮祈神。狂瀾頓  
息。索能搶險。敗埽重新。張守珪之禱。砂磧天鑒。精誠  
侯叔獻之。固決古。陽城久稱。機速。屬楊陽武。灘木寬  
遠。君於灘。速溜建堤。堤成而卧溜。啗灘立盡。中牟隄。

本完好。君於裡部戲戲否。而異漲刷隄幾穿。是其致  
身捍患。前識弭災。豈惟待制一硯。庶可成洲。都督百  
甓。勞堪任事而已。五十九年。大挑運河。總督蘭公奏  
以君署理山東運河。兵備道五日不辭。六條無愧。君  
久以積勞。浸成羸疾。每懷遂初。輒被婉留。伯生裏藥  
難忘。驅策之恩。長孺卧治。猶舊股肱之寄。洎返轍上  
南楚。氛告逼津。汲嚴防。民賊雜寃。君立竿誡。淺不漏  
襄陽之汨。備舟濟衆。莫肆壽春之勝。奸不能入。民安  
堵焉。嘉慶三年。曹單漫口。東河總督李公檄君總宜  
理。君龜勉赴局。精力日憊。空懷善飯之心。決灑西河  
之涕。始獲引疾。就理任職。君嗣以州同候補東河。

則侍藥出則敬公三世算表七年銘曰有子克家斯  
之謂與嘉慶九年三月十六日卒于濟寧私廨享年  
六十有八配某氏封宜人子一女子四孫一維昔  
君在上南故人藩豫每列卓薦之圖必接撫謙之啓  
曲從彼志終歎茲懷洎奉

恩命督河東土君以養疴近在同郭延諮大政力疾  
相從肯念西州之誼來上庠樓不覩南楚之門已知  
岑諾然而生平之迹可尋何及之泣已拖遊日月梁  
憂深黑浪之詞矯首賓階悽絕綠錢之賦嗚呼哀哉  
嘉慶十一年故人重督東河君嗣以是歲十一月十  
日薨君于蘇州虎邱戴家浜之祖兆舉殯齊郊歸魄

吳苑仁知正荀桐鄉勸奉嘗之民夢驗白衣汝南來  
發引之容拂旂衰柳半足手栽徹奠蒼英多為舊  
曲趙天子之觀九原不忘仁智蔡中郎之撰二碑深  
懼陵谷固宜勝待沈偏對短簿之祠埋石徵書即挂  
延陵之劍銘曰

程國之苗欽州之楚孝友繼志清白受書奔走河壩  
翱翔幕府歷考卅年厥聲載路勤障危埽誠迴怒濤  
力舉隙工適中竊要以全億戶會垣是保曲突徙薪  
碩膚深韜以若羸軀當爾任劇人贈自愛君答違惜  
從惜獨賢迺滯雲迹稍理熊經促逢鬼伯初君反服  
予乃持節雅本如貫俎不嫌越問神何易任王則建



若烹小鮮唯嘯秋風今茲重蒞事必重蒞躬親戴星  
炳燭遺忘頻臻言念老友溫然凋頽默存型儀愴我  
心神嗣人卜宅祖兆是倚依稀白鶴飄飄丹幃楓江  
直視濟濟分濬滿目河山魂氣焉返靈觀就道琤陟  
開原歸雲黯斷寒鳥影離霜風疾兮吹白鵝愛子舍  
兮掩墓門也有芭兮蘭有蓀形既遊逝兮名彌存

晉卿言初則希色氣則老昇係諸云以寔力具  
才氣云其卿晉卿有其情而云其修未忘而虛  
與之自記

公祭朱文正公文

禮部

嘉慶十一年冬十二月初五日太傅大學士大興朱文正公薨於官明年春正月廿三日其門下士前沂州府知府欽洪梧揚州府知府寧化伊伊秉綬故吏部文選司郎中儀徵貴徵附學生涇邑世臣共為位於揚州之梅花書院哭而奠之曰嗚呼維我夫子幼學登朝壽躋大耋馭厯中外六十有月為衆人母為帝者師恩在道路功在樞機脂膏不閏敬慎自宅溫樹無言零雨滿澤既享

一德寔備榮哀汗青載筆垂耀方來伊維梧等以文受和知仰測餘力逮述其始乾隆中葉學專帖括兼

文荒經舍本齊末維我夫子兄弟相羊推挽績學不  
間微行彬彬向風父教子率語師馬班詎從何服聖  
教漸明士風亦正兄我同人知慚先訓乾隆中葉勢  
趨資格但別雲泥莫詢道德唯我夫子兄弟控僊虞  
羅遺軼勝士求公照兼暗壑膏凝小草得五用譽肫  
肫向道自崇飈雅方有提倡凡百君子知培民鳴呼  
標準万夫所敬觀陳庸德詎有阿好百航超海中流  
斷擢來都奉凡我論未舉學爲主也匪為一身用深悲悼梧以善病鮮組沂上謁選  
秉綬守揚手墨枉加謂持澹泊以退顏波世多好官  
羸老則那儻成遺跡淅落南泥惟微不謹爰呈吏議  
旋荷

天仁賜歸田里。慚奉詔言。緬儀風軌。嚴平慟深武鄉。  
已矣。世臣草茅辱稱國士。誦編百寮。期在千祀。摩頂  
付囑言猶在耳。有鳥不鳴。知人斯累。維四人天涯洒  
涕。共初心喪。敢忘初志。淵路殊年。賜憲異事。慈訓同  
歸。神寔鑑此。自古在昔。斯言難踐。厥有由之。稱道易  
倦。維我夫子。三復無玷。非惟始之。亦既克終。非惟終  
之。亦既克躬。維我夫子。樹影因窮。或騎箕尾。或運斗  
杓。翩然被髮。大荒逍遙。有求必去。理則常然。矯首雲  
際。莫覩慈顏。篆香如縷。表我寸丹。猗嗟終古。無替春  
蘭。嗚呼尚饗。

畢成之墓誌

君諱貴生字成之一字孝伯姓畢氏儀徵學生負其  
先歆人祖懷圖舉人官湖南永興縣知縣考合不仕  
君考娶於江都汪氏既侍永興君於漢陽母氏遂依  
外家以撫君君舅汪中以多聞能詞賦名于時甚器  
君妻以次君舅常遠遊母氏故通史家言於兩漢事  
尤屬即自課君君以是詣古有舅風君好用情而致  
之或未當既已不肯下人而相接常默默君舅既沒  
益莫能善君者境益困求舉又屢黜于有司所親之  
訾毀遂迫也君故多隱憂晝夜傭書給衣食嘗正月  
作正書二萬字而不得廢酬酢以是君益羸瘠以迄

壬夏客揚州始識君甲子復至交尤善自甲子迄今  
四年余大半在揚州所遇皆窮舊友莫復顧者獨君  
拳拳甚過從不閒君嘗以余問詩法而所作頗不相  
似然君詩每年輒進每進輒腴健無近世間人褻亂  
羞澁之態丙寅秋君以詩書見賞於兩淮監政君既  
極困或勸君當不時至因有所請然君卒未嘗再謁  
也今年二月余赴常州視友入疾君出門即無所之  
常語母氏曰慎怕去兒愈益無俚余返自常州君以  
試事赴泰州余復赴清江浦十餘日而君自泰州病  
春溫歸余急過視君君病狀殊無所苦各遂返况不  
可休亦不倦也君忍把手語余曰吾此疾恐不起即

起今年終不免吾昔語足下以夢前生為斷頭將軍  
吾前日歸自泰州阻風孔家涵仿若登岸見草中卧  
馬極瘦血濡頸有語余曰彼昔同其主被難於此  
今其主生人間已三十年彼在此同其主同去時聞  
而惡之遂驚覺則恐不得久相見也繼視君則病勢  
益減以君罪寔甚日三四過視之又七八日病忽劇  
語不可辨數日遂卒既絕氣余撫屍哭之復轉睛視  
余既手足堅冷經日而腹溫不散余褰被摩其膺尚  
格格作聲膚澤如生時無所惡則君之積德信矣君  
考以嘉慶戊午卒於漢陽喪既歸厝地不吉君常屬  
余改卜不果君既卒思有以副君意遂為卜兆行中

雷塘之西南將遷君考並瘞焉君于學多所窺測而嗜詩為甚草稿紛糾余刪輯之為若干卷昔李觀與韓退之善所以稱之備至今觀所傳詩稍清激耳而退之亟稱之莫以為過者則信乎其才難也余顛沛較退之為甚而文行無似其不足重君以取信於人然觀詩而傳也則君何疑焉君卒以嘉慶十二年四月七日年三十歲子復曾生六月而孤然當君歿也泣血不止良敦實當能伸君之志者五月廿一日淫

已世臣



秋舫聯吟序

秋舫聯吟者督漕侍郎止齋吉公與其友程君禹山  
酬倡之所作也公以丹岫珍毛紫函夙慧執言西掖  
昔雪民冤持節南邦今紆

宸廑益在廣思務先求友維時異莊生之翳冀同重  
荆庭多范子之秀時獨步江左迺以傾蓋遂訂下車  
畫諾政陋于南陽能喜術殊乎西鎮入門覘容無須  
二十五人倚馬撰碑不羨三千餘字是固爲措甲令  
編入均輸刪輯已聞類名通典者矣至于乘日放棹  
江干玉局舊遊金粟新侶能賦宜以登山伊人嗟披  
秋水麗則均聲平遠致曲言過其敵態盈守訪應若

叩鐘諧非擲石江州則偷格無識別潭則成集永舉  
僕薄寧文袖折襪才慙重寄河襟戴星計拙情馳卅  
里神醉百篇投筆自嘆非志定遠之封焚研已甘况  
讀間雲之賦嘉慶丙寅季春德清徐端心如甫

代徐河督恭謝嘉慶十三年三月

頒賜

御製勤政箴表

臣聞虞帝之受天祿時幾有歌周王之戒臣工咨茹  
作頌蓋其道本奉三無息體天行之健身先凡百作  
肱教爾位之共是故溯降德者迪其誠和思日贊者  
以之風動惟我

皇上聖將天縱

敬成日躋萬幾自勅鏡以靜而照不罷細行必矜器  
以用而精不散民共抱和賢無野遺被苗而蒿紀為  
宮屢豐而休書至洛赫想則涼觀立成景遠則終年

王畢至然而海寓游有象之權

皇情切毋怠之戒在宮凜訓于求衣登車辨機于取  
索心非黃屋允釐在朔之勲

銘繼冊書匪虛有西之語

作人無歎

出言如絲四字歲垂六經興發亮人德之采采

宣天命而諄諄編告代工下逮至陋三復

聖訓慚悚菲材雖未望乎

龍顏寶親接乎

帝謂政遵

無逸被

龍光于

作師之天勤守有方矢靖獻于資父之義

儀禮鄭注句讀書後

談君歿華得儀禮鄭注句讀鈔本十九卷于淮陰市  
中余為審定為稷若手藁其朱書則亭林之所校正  
也余成童曾見是書若坊刻多誤欲以原註讐刊之  
卒不果幸見原藁故校閱一過而記其後曰儀禮之  
學晦且千年自是書板行而童子塾中能誦全文者  
十人而五則其所以惠來學助禮教者大已近人武  
進張皋文又為儀禮圖十八卷運精思以補關略然  
後揖讓之美入道之貴洋溢往復絕無迂拘而不可  
行于後世者苟循守二書以習其節文系其條理而  
深求鄭賈之所推類者以即于人情則安上治民莫

善之故煥乎見矣未有者可以義起本身者百世不  
惑使斯世士永與立之譽薰民遠無礼之危則二張  
先生未伸之意而後死而共有責者也談君昔視學  
貴陽能以弦誦之治變其僂陋此物此志庶乎其有  
望矣

代徐宮保叙迴瀾紀要

近世之言治水者必推潘靳二公潘公經理河淮塞決口大小二百三十餘處而後兩河順軌功施到今然二公遺書甚詳具檢其塞決之方則節目略殊將毋以全河機宜採自寸中而外工麓迹既知者有人無容贅述乎端於潘公為同里後進弱冠侍先大夫於清河始見堵築老埧口後以郡倅投効青龍岡工既竣事遂為河防廳吏三十年間凡有大工端皆與在奔走厯推成敗之迹本之人事則工拙之故灼然可知且事變數更思力日出利器巧制後賢有作潘公之言曰防護既周衝決可免即有不測計日可塞



即知雖明哲如滿公而不能必其遂無一日之不測也記有之礼禁于未然之前法制于已然之後雖先王以明罰飭法此言制已然者之不可無術也端待衆罪河干謬膺重寄謹以耳目所及手足所親集就豫徐揚數州文武之長而各祛其短凡可以制已然而備不測者條別要領以著于篇來者難誣竊附于二公繼起之識小者云爾嘉慶十三年春二月德清徐端書

釋雪齋詩序

詩與書異事而同術其道足以明心之所寄其氣不能不囿於身之所習此僧詩僧書之派所為出也自永禪師傳其祖法以授虞氏為書家大宗而其徒遂智果遂為別派遽開僧氣今行世有閭筆別評書二帖評書帖險而近俗濶別帖媚而近怪險而近俗者其流為懷仁建初而李後主徐鉉周越黃庭堅蔡京倪瓚王寵姜立綱涉焉而染媚而近怪者其流為李懷琳高閑而米芾友仁張即之鮮于樞宋克祝允明涉然而染是故士大夫之攻書者稍有立異爭勝之意而僧氣已沉浸乎其心鼓舞乎其指湧現出沒乎

其點畫波磔一入而迷不能自覺也洎其覺也而已  
不可拒而諸鉅公之才力又足以自飾其非以累誤  
將來好學之士間有一二能自振拔者其上非不標  
崇雅高競遏頽流而才小力薄不足撻掣其要領辭  
而闢之以一天下之宗向其次則已自陷於佐史以  
史易僧未見有勝是故數百年來舉世胥僧書也而  
僧為之則尤甚雪齋以僧攻書能以遵道濟其險以  
雅節其媚雖所就未及古人而能自遠於僧氣又無  
史習是可貴矣至於僧詩則字眼摘句之說是其以  
已由是其志識既迫寄托不得深煇誦復隘感發無  
由故爾遊情體物肆力調聲有唐詩僧祕密盡此而

嚴羽葛應秋李攀龍鍾惺之流暢其旨夸者為之又  
或連篇累牘排比故實略無興趣徒豐篚篚此則如  
書家之有佐史也蓋必求異人則其氣為僧必求宜  
人則其習為史雪齋以攻詩未始不可以自遠於僧  
使移雪齋之攻書者以攻詩未始不可以自遠於僧  
而又不流于史也雪齋故勇於徙義者其勉廣煇誦  
以自長志識且和其氣而動其心吾見其進豈獨詩  
而已哉

戊辰江南試錄後序

嘉慶十三年歲在戊辰六月禮臣以江南考官請

上命臣系英副工部侍郎臣陳希曾往翼日

召見

諭以江南為天下第一大省爾二人文行醇正朕所  
素知茲行也命題必正當錄文必雅厚言為心聲其  
文醇者其人必端重異日出身加民可以為好官大  
哉

王言臣與臣希曾謹誌之迄抵境率同考官等竭二  
二十餘晝夜之心力得士如額繕具尤者進呈

審覽臣例為後序謹拜手稽首而言曰文以識為主

輔之以氣以達其識養之以局以和其氣士人生聖  
賢二千餘年之後必期仰測當日立言之本旨黜異  
說祛膚論以明真理而暢垂教之衷此非研幾于經  
以正其趨取證于史以通其變苟涉諸家先正之論  
議以博其趣則識不能深而且正矣既有真識而文  
不足以自舉故詞尚煉氣氣已盛矣而或散漫以傷  
格或恣張以雅傷則亦未足以徵其學養故法尚煉  
局是故識勝者臨事而能決其機氣勝者機決而能  
任其局重勝者重任而可安其成維昔名臣有以一  
日之文而遂決終身之行著誠如

聖訓言為心聲不可誣也若夫採綴僻書據拾卮言

以炫異記誦腐爛揣摩句調以求獲此其志本汙下  
詞必說庸不加澄汰使廁榮名始則有傷文體繼且  
害及士心臣仰荷

委任夙夜兢兢深惧不稱致誚遺賢謹偕臣希曾和  
衷商榷悉心評隲于頭場定其學術于二場驗其醞  
釀于三場覘其閱歷于涵濡

樂育之化至深而不偏高曾規矩者拔之前茅以示  
其準其有才力可尚未臻粹美者附之副車以勸其  
學至于偽體諛聞之士剽聲掠字之儒概加擯斥不  
登甄選使多士周知

皇上旁求之至意寔欲因文以見道明俊以官人與

周之六物興賢漢之三科舉世不間今古本經術而經世務非徒謂文采炳然宣

上德以盡忠孝已也日講起居注居官翰林院侍講

學士

臣

周系英謹序



周節婦傳

下

節婦姓湯氏宜興人孝九上母年二十四歸同邑周

起雲及期而起雲歿有遺腹子應華周氏改貧瘠而

起雲以上四世皆單傳無期功親起雲之歿也若思

母吳平年皆七十餘節婦治針紬以奉中饋無匱乏

舅姑既終天年節婦治喪葬以有禮見稱復迎養母

沈撫其緝弟藹然無違色鄉里以為難節婦今春秋

五十有六為華應娶于徐孫四某某

已世臣應華余素未之識嘉慶戊辰九月應華不遠

數百里涉大江視余于邗上辭色端謹既出其母氏

行略以乞為文又示其中表叔吳君辰所為跋吳君

厚重不苟君子也備稱節婦訓誨應華有法而應華  
能體毋志持身無所失古人有言獲親有道不信于  
友不獲于親余既以吳君信應華又以所見于應華  
者信其母氏之教故撰集為傳以為後來徵信者衆  
擇焉